



Kamola ABDURASHIDDOVA,  
Andijon davlat universiteti tayanch doktoranti  
E-mail: abdurashidova.kamola@mail.ru

DSc, dotsent Sh.G'aniyeva taqrizi asosida

#### CLASSIFICATION AND GENRE FEATURES OF UZBEK AND ENGLISH FOLK LEGENDS

##### Annotation

This article examines the classification and genre features of Uzbek and English folk legends. Folk legends represent a genre that enables the conveyance of ancient historical and mythological events in a persuasive and imaginative form. The analysis reveals that Uzbek and English legends exhibit shared characteristics, including orality, anonymity and traditionality, which contribute to the formation of cultural identity.

**Key words:** Uzbek folk legends, English folk legends, Genre characteristics, Classification of legends, Oral creativity, Folk creativity

#### КЛАССИФИКАЦИЯ И ЖАНРОВЫЕ ОСОБЕННОСТИ УЗБЕКСКИХ И АНГЛИЙСКИХ НАРОДНЫХ ЛЕГЕНД

##### Аннотация

В данной статье рассматриваются классификация и жанровые особенности узбекских и английских народных сказаний. Народные легенды представляют собой жанр, позволяющий передать древние исторические и мифологические события в убедительной и образной форме. Анализ показывает, что узбекские и английские легенды обладают общими характеристиками, включая устность, анонимность и традиционность, которые способствуют формированию культурной идентичности.

**Ключевые слова:** Узбекские народные предания, Английские народные предания, Жанровая характеристика, Классификация сказаний, Устное творчество, Народное творчество.

#### O'ZBEK VA INGLIZ XALQ AFSONALARINING JANR XUSUSIYATLARI VA TASNIFI

##### Annotatsiya

Ushbu maqolada o'zbek va ingliz xalq afsonalarining tasnifi va janr xususiyatlari e'tibor qaratilgan holda tadqiq etiladi. Xalq afsonalari qadimiy tarixiy va mifologik voqealarini ishonarli va xayoliy shaklda yetkazish imkonini beruvchi janadir. Tahlil shuni ko'rsatadiki, o'zbek va ingliz afsonalari og'zakilik, muallifi noma'lumlik va an'anaviylik kabi umumiyl xususiyatlarga ega bo'lib, bu madaniy o'ziga xoslikning shakllanishiga ko'maklashadi. Tadqiqot xulosalari xalq og'zaki ijodining madaniy o'ziga xoslikni shakllantirishdagi va tarixiy merosni saqlab qolishdagi muhim ahamiyatini ta'kidlaydi.

**Kalit so'zlar:** O'zbek xalq afsonalari, Ingliz xalq afsonalari, Janr xususiyatlari, Afsonalarning tasnifi, Og'zaki ijod, Xalq ijodi

**Kirish.** Afsonalar xalq og'zaki ijodining eng qadimiyl va qadrlanadigan janrlaridan biri hisoblanadi. Ular avloddan-avlodga o'tib kelgan holda, nafaqat qiziqarli hikoyalar, balki madaniy va ma'naviy qadriyatlar, tarixiy voqealar va xalqning dunyoqarashi haqida boy ma'lumotlar manbai bo'lib xizmat qiladi. O'zbekiston va Angliya xalqlari o'tasidagi afsonalar mazmunida o'xshashlik va farqlarning mavjudligi, ularning turli madaniyatlar va an'analar orqali qanday shakllanganini tadqiq qilish ilmiy qiziqish uyg'otadi.

Afsonalar xalqlar o'tasida ko'prik bo'lib xizmat qilishi bilan birga, ularning ma'naviy merosi va tarixiy xotirasini saqlab qolishda ham muhim rol o'ynaydi. Shu bois, turli xalqlar afsonalarini o'rganish orqali insoniyatning umumiy qadriyatlarini va ma'naviy tamoyillarini chucherqoq tushunish imkoniyatini taqdim etadi. Maqolaning asosiy maqsadi – o'zbek va ingliz xalq afsonalarining janr xususiyatlarini aniqlash va tasniflash orqali ularning lingvistik va madaniy mazmuniyi yoritishdir.

**Adabiyotdar tahili.** Jahon folklorshunosligida xalq afsonalarini to'plash, nashr qilish va ilmiy asosda o'rganish yuzasidan ingliz, nemis, rus va turkiy xalqlarda bir qator e'tiborli tadqiqotlar amalga oshirilgan... Bu borada V.Vundt, E.S.Xartlend, R.F.Fleck, V.A.Tayson, V.R.Feldman, Don.Yoder, V.M.Jirmunskiy, V.Ya.Propp, G.P.Snesarev, L.S.Tolstova, V.Ye.Gusev, S.N. Azebelev, L.I.Yemelyanov, K.V.Chistov, N.I.Kravsov, S.G.Lazutin, V.P. Anikin, Yu.G.Kruglov, Yu.S. Levskaya, O.B. Nayok, A.I Nayeva, F.A. Nadrshina, E.M. Aliyeva, B.Yu.Sengleev, D.E.Basayev, L.L. Kushnareva, B.B. Badmayev, L.S.Malzurova , A.P. Lipatova, E.Sh. Ildarov, A.S. Mayer, A.B.Moroz, B.G. Axmetshin, L.P.FGerasimova, G.G.Ilina, I.S.Shavelev, I.A. Besson, D.V.Sokayeva, M.V. Purbuyeva, G.M.Isxakova, I.K.Fazludinov, M.T.Satanar, M.P.Omelntsikiy, Yu.G.Fateeva, A.X.Sadekova, M.M.Axmedov, S.X.Pashayev, O.V.Mexanoshina, Yu.M.Shevarenkova, S.M.Gilyazutdinov, Ye.N.Duvakin, S.Qasqabasov kabi ko'plab xorijiy olimlar, shuningdek, o'zbek folklorshunosligida ham K.Imomov, B.Sarimsoqov, U.Jumanazarov, M.Jo'rayev, Sh. Turdimov, J.Eshonqulov, N.Rahmonov, M.Rahmonova, A.M. Bakimbetov kabi olimlarning xalq afsonalarini o'rganish borasidagi tadqiqotlari jiddiy yutuqlardir, biroq o'zbek va

ingliz xalq afsonalarini qiyosiy tadqiq etish muammosi maxsus o'r ganilmagan. Shuni e'tiborga olib, mazkur maqolamizda jahon va o'zbek olimlari tomonidan xalq afsonalarining janr xususiyatlarini, o'ziga xosliklarini o'rganish borasidagi nazariy qarashlarga tasvif berish, ilmiy konsepsiyalardagi nazariy qarashlarni umumlashtirishni maqsad qildik.

Maqolaning metodologiyasi sifatida qiyosiy tahlil, tarixiy-qiyosiy, etnografik metod, kognitiv yondashuv, lingvofolkloristik metodlardan foydalanildi.

Xalq afsonalari folklorning mustaqil janri sifatida o'ziga xos xususiyatlari bilan ajralib turadi. Unda og'zakilik, anonimlik, variantlilik, an'anaviylik va jamoaviylik kabi folklorga xos elementlar alohida o'ren tutadi. Afsona janri, shuningdek, mifologik komponentlar bilan chambarchas bog'liq bo'lib, turli magiklik, muqaddaslik va rituallik sifatida namoyon bo'ladi. Afsonalar, o'z navbatida, xalqning dunyoqarashi, qadriyatlarini va ijtimoiy-tarixiy muhiyi haqida qimmatli ma'lumotlar taqdim etadi. Shu sababli, xalq afsonalari folklor va mifologiya o'tasidagi o'zaro aloqalarni o'rganish, madaniy paradigmalarni to'liq anglish uchun muhim ahamiyatga ega. Ushbu maqolada xalq afsonalarining janr xususiyatlari, o'ziga xos tabiatni, ularni taksonomik tadqiqi asosida tasniflash mezonlarini oydinlashtirish, tasniflashdagi differensiativ muammolarni bartaraf etish va tasnifini yaratish kabi masalalar haqida fikr yurtishni maqsad qildik.

Xalq afsonalari dunyo xalqlari folklorida mavjud bo'lib, hayotiy voqealarni xayoliy uydirma asosida hikoya qilishga asoslangan, ma'lum tarixiy voqealik tasviri uydirmalar va fantastika asosida berilgan, ma'rifiy ahamiyatga ega bo'lgan folklorning mustaqil janadir.

Afsona atamasi forscha afsun so'zidan olingani, sehr-jodu, uydirma asosiga qurilgan nasriy hikoyani anglatishi, Mahmud Qoshg'ariyning "Devon-u lug'otit-turk" asarida "sav" tarzida qo'llanganligi , afsona so'zi bilan sinonim sifatida ishlatalgan "legenda" istilohi esa lotincha – o'qishga tavsija qilingan narsa so'zidan olinganligi, rivoyatlar asosida kelib chiqishi, uning asosiy xususiyatlaridan biri boshqa folklor janrlari bilan yaqin munosabatda bo'lishi , tilsimiy, sehr-jodu, mo'jiza aralashgan hodisalar, boshqa

folklor janrlari bilan yaqin munosabatda bo'lishi , tilsimiy, sehr-jodu, mo'jiza aralashgan hodisalar, "g'aroyib predmetlar" hayot voqeligi bilan yonma-yon keltirilishi afsونalar syujetiga xos asosiy belgilardan biri ekanligi, barqaror poetik shaklga ega emaslik, fabulatik bayonning kuchliligi, tashbech-u epitelarning uchramasligi, yangi davr voqeligini butun shiddatkorligi va murakkabligi bilan aks ettirishga qodir emasligi, shu bois hozir o'zbek folklorida zamonaviy afsona, rivoyat va naqlar yaratilmasligi haqidagi nazariy qarashlar mavjud.

K.Imomov afsونaning o'nta janriy xossasini sanaydi va ularning asosiyari sifatida quydigilarni ko'rsatadi:

1.Afsonalarning muayyan fakt, mifologik voqealarni xayolliy tavsiflash mezoni uning asosiy belgilardandir.

2.Afsona voqealari tinglovchi, bayon etuvchida ishonch uyg'otadi.

3.Afsonada tasvirlangan voqealar o'tmishdan xabar beruvchi hikoyalilar shaklida paydo bo'lib, ta'kidlash, tushuntirish, xabar berishga mo'ljallangan.

4.Unda e'lon qilinishi kerak bo'lgan voqealarni xayolliy tavsiflash mezoni uning asosiy belgilardandir.

5.Afsonaning o'tmishdan darak berish funksiyasi ustuvor yo'nalishga ega, biroq badiylilik darajasi kuchsiz, ikkilamchi hodisa bo'lib, estetik ta'sir etuvchi kuchning qisman paydo bo'lishini ta'minlagan.

6.Voqealarni konkret emas, tarixiy fakt, hodisalar noaniq zamonda yuz beradi... Afsona vaqtin uzoq o'tgan zamonga yo'naltirilgan.

7.Syujeti ixcham, bir yoki ikki epizod- motivlar asosiga qurilgan.

8.Afsonani ... eshitgan, bilgan shaxs, xohlagan joy va istagan payt va nihoyat o'zi bilgan shaklda, eng muhim biror obyekt bilan bog'liq holda bayon etadi.

9.Bu janrdan obrazlar tizimini asosan uch xil personaj tashkil etadi: bosh qahramon, ...yordamchi personaj,... raqib personaj. Obrazlar talqini sodda, ayni paytda qisqa, lo'nda, aniq va mubolag'ali ifoda etilgan.

10. Bu janr, barqaror syujet va kompozitsiyaga ega emas .

Yuqoridaq fikrlarga asoslansak, xalq afsонalarida ma'lum tarixiy yoki mifologik voqelikni xayoliy uydurma asosida ishonarli qilib bayon qilish uslubining yetakchilik qilishi uning asosiy janriy xossalardan biri ekan. Masalan, "Rayhon va Shabada" afsонasida shamol haqidagi mifologik qarashlar transformatsiyasi yetakchilik qiladi. Afsонadagi voqelik bayonidan Shabadaning kunchiqar hukmdori Shamol boboning to'ng'ich o'g'li ekanligi, o'gay ona zulmidan qiyngalgan qizni sevib qolgani, bir-biriga yetisha olmay qiz rayhonga evrili gani, shabada esa gullar orasiga singib ketganidan xabardor bo'lamiz. Afsонada tabiatdagi hodisalarini jonli deb bilish, qizni esa o'simlikka evrili shasidagi totemizmga ishonch asosida afsona syujeti ishonchli bayon qilingan. Shabadaning gul va o'simliklarga zarar bermasligi, Shamol boboning Bo'ron, To'polon, Quyon, To's degan o'g'illari esa o'simliklari uchun zararli ekanligi haqidagi hayotiy voqelik mifologik qarashlar asosidagi uydirmalar orqali obrazli tarzda tasvirlangan. Shabadaning gul va rayhonlar orasida esishi tabiiy hol bo'lib, bu holat uning qizga oshiqligi bilan izohlanadi. Maqsadiga yetmagan oshiqlarning biror narsaga evrili shasidagi motiv esa ana shu hayotiy voqelikning ishonchli bayoniga xizmat qilgan.

Xalq afsонalarini syujetini harakatga keltiruvchi konflikt ham maishiy ma'no anglatib, uning yechimi mo'jizaviy harakat va homiyalar marhamati asosida yuzaga chiqadi. "Obshir ota" afsонаsi (B.Sarimsogov 1977-yilda yozib oлган) misolida ko'rsak, undagi konflikt maishiy xarakterga ega bo'lib, g'ayridin lashkarning bostirib kirishi Dovud payg'ambар va uning qizlari o'tasidagi konfliktning yuzaga chiqishiga turki bo'ladi. Ushbu afsонаda ham payg'ambарlarning mo'jiza ko'rsatishi motivi asosida (hassasi bilan tog'ga uradi) paydo bo'lgan sharsharaning obshir deb nomlanish sababları izohlanadi. Afsona konflikti Dovud payg'ambarning mo'jizasi orqali yechim topadi.

Xalq afsонalarida mifologik personajlar, g'ayrioddiy odamlar, payg'ambар va aziz-avliyolar, tarixiy shaxslar kabi obrazlar ishtirokidagi voqelik axborot berish va diniy ta'sir ko'rsatish, ishortirish maqsadida bayon etiladi. Bosh qahramonlar adolatli, xaos kuchlariga qarshi kurashuvchi, g'ayribiyy kuchga ega bo'ladilar. Uning obrazlar tizimida qahramonga xumo, bo'ri, qaldirg'och, pari kabi yordamchi personajlar hamda dev, ajdar, bosqinchilar kabi raqib personajlar ham ishtirok etadi. Raqib personajlar afsona syujeti tugunini, konfliktni yuzaga chiqarishsa, yordamchi personajlar yechimni shakllanishiga va afsонada berilgan axborotning ishonchli chiqishiga xizmat qiladi. "Ajdar ko'zi" nomli afsонаda najotkor

qahramon sifatida Ali (chahoryordan biri), raqib personaj sifatida ajdar va yordamga muhtoj kuch sifatida qiz va qishloq ahli ishtirok etadi. Afsона toponomik xarakterga ega bo'lib, Zebak yaqinidagi Bozgir qishlog'idagi ko'l va toshlarning nima uchun Ajdar ko'zi deb nomlanishi sababları izohlanadi. Afsонadagi ajdarga har kuni yemish va bir insonni tortiq qilinishi (ertak) motivi asar konfliktini, shuning barobarida, tugunni yuzaga chiqargan bo'lsa, qiz ko'z yoshining Ali yuziga tushishi motivi asarning yechimiga xizmat qilgan. Afsонада ajdar bilan olishuv motivi Alini najotkorlik va g'ayritabiyy quadratiga ishonch mustahkamlash hamda afsонadagi voqelik tasvirini berishga asos bo'lgan. Afsона keltirilishicha, Ali ko'yoniga kelganda ajdarga tortiq qilingan qizni ko'rib qoladi, uni qutqarish uchun ajdar bilan jang qiladi. Afsонада ajdarlarning suv ostida yashashi, kallasi yetti martagacha o'sib chiqishi kabi mifologik motivlar asosida ularning hozir ham yashashiga ishonch mustahkamlanadi.

Ingliz xalq afsонaları haqida bir qancha lug'atlarda quydagi fikrlar beriladi: "Lotincha "legere" fe'li dastlab "to'plamoq" ma'nosini anglatardi. Vaqt o'tishi bilan bu fe'l 'ko'z bilan to'plamoq, ko'rmoq" ma'nosiga ega bo'ldi va bu 'o'qimoq" tushunchasiga olib keldi. Bu fe'ldan olingen lotincha "legenda" so'zi o'rta asrlarda "o'qilishi kerak bo'lgan narsa" ma'nosida ishlataligilan. "Legenda" so'zi asosan avliyolar hayotlari haqidagi hikoyalarga tegishli bo'lgan. O'rta asrlarda bunday ko'plab hikoyalalar yozilgan bo'lib, ular ko'pincha haqiqat bilan birga, badiy elementlarni xam o'z ichiga oлgan. Shunga ko'ra, "legenda" ingliz tiliga "legend" sifatida kirgana, 'o'tmishdan kelgan hikoya, to'liq haqiqat bo'lishi yoki bo'lmasisi mumkin' ma'noni anglatdi."

Afsonalarning asosiy xususiyati haqida L.Degh: "Afsона xalq ongida ma'lum bir g'oyaviy haqiqatga ega bo'lib, bu haqiqatni anglash tasvirlangan voqealarning haqiqatiga bo'lgan ishonch shaklida ifodalaniш mumkin. Biroq, afsона uchun hikoya qiluvchining umga ishonishi yoki ishonmasligi muhim emas, chunki hikoyachining afsонaga bo'lgan shaxsiy munosabati janrnning asosiy xususiyatini o'zgartirmaydi," deydi.

Ingliz xalq afsонalarining uchta asosiy vazifasi: izohlash, kommunikatsiya va didaktik vazifasi bo'lib, unda odatiy bo'lмаган g'aroyib hodisalar haqida xabar beriladi, izohlanadi va didaktik maqsadlarda bayon etiladi.

A.L.Laforet, Robert Georges va Jakob Grim (Jason)ning nazariy qarashlarini keltiradi, ularning har ikkisining fikrlariga munosabat bildiradi va ularga asoslanib afsонalarning janr xususiyatlari quydagi ochiqlaydi: "Nihoyat, garchi bu masala ko'p jihatdan e'tiqodga bog'liq bo'lmasa-da, Jorning ta'kidlashicha, ko'plab afsонalarini tashqi dalillarga tayanim isbotlash yoki inkor etish mumkin emas (Georges, 1971: 10-15).

Afsона sifatida taqdим etilgan va qabul qilingan amaliy matnlar bu ta'rifga to'liq mos kelmasligi mumkin. Afsонalarning barcha matnlarida ham ularni boshqa turdag'i bayonotlardan ajratib turadigan lingvistik belgilari mavjud emas. Afsонalarda hikoya qilingan voqealarning aniq sanasini kamdan kam hollarda bilish mumkin. Afsона voqealari ko'pincha uzoq o'tmishda, hatto tarixdan oldingi davrlarda sodir bo'ladi. Afsонalarni ayтиб beruvchilarning ularga qanchalik ishonishini ham aniqlash qiyin.

Ilk folklorshunos tadqiqotchilarini asosan bayon qilish, ifodalash va ushbu moyilliklardan kelib chiqib, bog'langan hikoyaviy ifodalar, va mistik obrazlar jalb qilgan. Zamonaviy olimlar, bu jarayonlarning qanday ishlashi va jamiyatga qanday ta'sir qilishi, insonlarning qo'rquvlari va shuhbalarini ifodalash, hatto ularning harakatlarni qanday yo'naltira olishlarini o'rganmoqdalar. Zamonaviy afsонalarda favqulodda hodisalar haqidagi boshqa personajlar sifatida uzga sayyoraliklar, etnik, diniy va boshqa guruxlar, jinoyatchilar, ko'ngli-yarimlar, yangi texnologiyalar, ko'rindan.

Yuqoridaq o'zbek va ingliz xalq afsонalarini haqidagi fikrlarini ko'rsak, har ikki xalqda afsонalar qadim tarixiy yoki mifologik voqelikni xayoliy uydurma asosida ishonarli qilish bayon qilishga asoslangan janr ekan. Bu janriy xossasiga, yaratilish uslubi va xususiyatlari ko'ra o'zbek va ingliz xalq afsонalarini mushtarak.

Xalq afsонalarini tasnifi masalasi. Jahon folklorshunosligida xalq afsонalarining taksonomik tadqiqiga oid nazariy qarashlar qiyosan o'rganishda Edvin Sidney Xartlend, Don Yoder, Richard Frensis Flek, Van Allen Tayson, Valter Robert Feldman B.Sarimsogov, K.Imomov, U.Jumanazarov, M.Murodov, S.Ro'zimboyev, M. Jo'rayev, M.Rahmonova, M.A.Rizoyevab N.Q.Ro'ziyev tadqiqotlari dagi mavjud tasniflash mezonlari asosida ish ko'ramiz va ularning afsона janri haqidagi nazariy qarashlariga asoslanamiz.

O'zbek va ingliz folkloridagi afsона janrini qiyosan o'rganilganda, ularni tasniflash murakkab jarayon ekanligini angladik.

Bu holatga esa tasniflardagi turli yondashuvlar, janr tabiatidagi o'ziga xosliklar, tematik mundarijasining turlichaligi kabi jihatlar sabab bo'ladi va afsona janri tasnifi borasidagi differatsiyalarini bartaraf etish zarurati tug'iladi.

O'zbek va ingliz xalq afsonalarini tasniflashda quyidagi tamoyillar asosida tasniflashni lozim topdik:

1. An'anaviy syujet motivlariga ko'ra.
2. Yaratilishiga ko'ra.
3. Tematik mundarijasiga ko'ra.
4. Voqelik bayonining makon va zamonga munosabatiga ko'ra.

Ingliz folklorida afsona janri yaratilishiga ko'ra:

- 1.Xalq afsonalari (Folk Legends)
- 2.Adabiy afsonalarga (Legend in Literature) bo'linadi.

Bizning tadqiqot obyektimiz xalq afsonalari (folk legends) bo'lgani bois ushbu janrnning tasnifi masalasini yoritamiz.

O'zbek folklorshunosligida afsonalar tasnifi borasida turlicha yondashuvlar kuzatiladi. Bular orasida xalq afsonalarini tematik mundarijasiga ko'ra tasniflash tamoyili yetakchilik qiladi. O'zbek xalq afsonalari tasnifi borasida K.Imomov batapsil to'xtalgan. Ular V.Ye.Gusev (diniy, ijtimoiy-xayoliy, tarixiy), N.Xotamov

B.Sarimsoqov (tarixiy, toponimik, diniy, maishiy), U.Jumanazarov (toponimik, tarixiy, diniy), S.Qasqabasov (tarixiy-toponiimik, diniy-kitobiy, ijtimoiy-xayoliy) tasniflariga ilmiy yondashgan holda ularning kamchilik va afzalliklarini ko'rsatib beradi hamda afsona janri tasnidagi farqlarni bartaraf etadi. Xususan, K.Imomov xalq afsonalarini dastlab uch tipga: mifologik (etiolistik, esxatologik, demiurglar haqidagi, animistik, totemistik, kosmogenik miflar asosida yuzaga kelgan afsonalar), toponimik va tarixiy afsonalarga bo'lib o'rganadi. Olimning keyingi ishlardira esa xalq afsonalarini to'rt xil ichki tipga: mifologik (ma'budlar, ilohlar va pirlar haqidagi, etiologik va ajodolar kultiga e'tiqod bilan bog'liq afsonalar), diniy, toponimik va tarixiy afsonalarga tasniflab o'rganiladi.

**Xulosa.** Yuqorida o'zbek va ingliz xalq afsonalari haqidagi fikrlarni ko'rsak, har ikki xalqda afsonalar qadim tarixiy yoki mifologik vogelikni xayoliy uydurma asosida ishonarli qilib bayon qilishga asoslangan janr ekan. Bu janriy xossasiga, yaratilish uslubi va xususiyatlari ko'ra o'zbek va ingliz xalq afsonalari mushtarak. Afsonalarni mavzu qamrovi, vogelikni ifoda qilish va vogelik bayonining makon va zamonga munosabatiga ko'ra an'anaviy va zamonaviy xalq afsonalariga, an'anaviy afsonalarni esa mifologik, tarixiy, toponimik va diniy afsonalarga tasniflash mumkin.

#### ADABIYOTLAR

1. Bakimbetov A.M. Qoraqalpoq xalq afsonalarining o'ziga xos xususiyatlari, tasnifi va syujet tarkibi. Filol. fanlari bo'yicha falsafa (PhD) dokt.diss. avtoref. – Toshkent, 2020.– 54b.
2. Jo'rayev M. Folklorshunoslik asoslari. – Toshkent: Fan, 2008.
3. Imomov K. O'zbek xalq nasri poetikasi. – T.: Fan, 2008.
4. Rahmonov B. O'zbek xalq og'zaki ijodiyyoti janrlarining postfolklor sharoitidagi holati va funksional xususiyatlari. Filol. fanl. bo'yicha doktori (DSc) ... dissertatsiyasi. – Andijon. 2022. – 260 b.
5. Edvin Xartlend. "Legendi Staroy Anglia" — M.: Sentrpoligraf, 2007 (1159).
6. Angliyskiye predaniya i legendi . Sostavitel: Nataliya Budur.M.: AST, Astrel, 2004 g. – 496
7. Folklore myths and legends of Britain. - 2d ed. - N-Y, 1979. - 552 p.
8. The Vanishing Hitchhiker. Author(s): Richard K. Beardsley and Rosalie Hankey. – California Folklore Quarterly, Vol. 1, No 4 (Oct., 1942), pp. 303-335.
9. <http://www.jstor.org/stable/1495600> Accessed: 01-02-2016 19:18 UTC.
10. Brunvand J.H. The Vanishing Hitchhiker: American urban legends and their meanings. NY: Norton, 1981. - 208 p.
11. Рахмонов Б.М. Ўзбек халқ оғзаки ижодиёти жанрларининг постфольклор шароитидаги ҳолати ва функционал ҳусусиятлари. Филол. фан. доктори (DSc)... дисс. – Тошкент, 2021. – 260 б.
12. Левская Ю.С. Американская городская легенда в контексте постфольклорной культуры. Автореферат дисс. ... канд.филол. наук. – Ижевск, 2006. – 24 с.
13. Никитин М.В. Реализация концепта «страх» в сценариях городской легенды. Автореферат дисс.канд.историч.наук. – Москва, 2008. – 26 б.
14. Abdulfattoh Abu G'udda. Sahifalar. G'.G'ulom nomidagi nashriyot-matbaa ijodiy uyi. –Toshkent, 2020. [07.01.2024 20:13].